

2 almanacco marzo 2023 ELISEO CARRARO

Nel centenario dalla nascita, Adino Libralato, ricorda la figura di Eliseo Carraro (1923-2018).

Eliseo Carraro, “profesor Strafino” par i amissi jèra rivà a Noale da Sant’Alberto, a i primi del 60. No jèra on momento brillante par lu e gnanca par mi che lo go conosuo da studente lavoratore, liceale privatista. La nostra Noale, par i foresti, no se presentava come on paradiso. Però, chi gavea onge par ranpegarse, spasio ghin jèra. Tuti ghemo fato de tuto, senza pretese. Eliseo, par siensa e conosenza, sens’altro jèra on profesor, ma ‘l so metodo de vita e de insegnamento jèra da “maestro”. Co pasiensa, umiltà, amore par la belessa, ‘l gà contribuio a far cressare generasion de noalesi par l’amor del so paese e al culto del belo. Pì passa i ani, mejo se capisse quanto ‘l gà dà, in tuti i canpi, dove ghe xè sta richiesto de inrteresarse o dove lu gà spento altri a interessarsene. Tante volte ‘l se gà trovà co inpegni, e inisiative dove la so ecletticità lo vedeva protagonista atento e competente, senza far pesare la so superiorità. Dopo averghene auspicà la nassita, se pol considerarlo uno dei animatori de la Pro Loco de Noal, senpre pronto a sugerire, stimolare, condividere inisiative. Importante la so ricerca **“Noale le pietre scritte: lapidi e stemmi”** che gà rivela pagine de storia documentada in sto modo tanto particolare. Sua xè anca l’ambientasion del Palio de Noal vossuo dal vulcanico presidente Ludovico Martini, co Lorenzo Scotton fato rivivar ne la so antica belessa. La musica, altra so passion, lo gà visto protagonista del festival internazionale organistico, rivà desso a la XXVIII edision. Ne la cesa de Noal, proprio ne la presentasion de la XXIII festival, a 95 ani, improvvisamente ‘l me gà lassà.

Noale, 05/03/2023

Adino Libralato